



Iz Državne agencije za istrage potvrđeno za „Avaz“

SIPA provjerava dolaske libijskih ranjenika u BiH

Libijci prijavili da su oštećeni za oko 700.000 maraka, optužuju bivšeg uposlenika ● Izvršavaju se provjere poslovne saradnje s “Reumalom”

Državna agencija za istrage i zaštitu (SIPA) provjerava poslovnu saradnju između Libijske ambasade u Sarajevu i „Aquareumala“ iz Fojnice koja se odnosi na liječenje ranjenika iz Libije u BiH. Ovu informaciju potvrdila nam je jučer i Kristina Jozić, portparol ove državne agencije.

- SIPA je u prethodnom periodu, postupajući po informaciji Ambasade Libije u BiH, vršila određene provjere koje se odnose na libijske ranjenike koji dolaze na liječenje u BiH. Također, SIPA vrši određene provjere u vezi s poslovnom saradnjom Ambasade i „Aquareumala“ Fojnica – rekla nam je Jozić.

Ova državna

agencija ustvari postupa po prijavi Libijske ambasade u BiH, koja je zatražila od svih agencija za provođenje zakona da ispituju tvrdnje da su oštećeni za skoro 700.000 KM. Iz Ambasade Libije za to optužuju bivšeg direktora Komiteta za ranjenike Alija Amiša, Libijca sa bh. državljanstvom koji više nije uposlenik Ambasade.

Kako tvrde iz Ambasade, 31. decembra prošle godine s računa Ambasade Libije zaplijenjen je iznos od 692.818,30 KM koji je prebačen na račun JU za medicinsku rehabilitaciju i banjsko liječenje “Reumal” u Fojnici, gdje se liječio dio ranjenika.

Potpisnik mjenice, kako su navode iz Ambasade Libije, upravo je Amiš, koji od 18. avgusta 2014. godine nije njihov uposlenik te je

zloupotrijebio pečat.

Zbog svih dešavanja zatražili su da se provede istraga. Iako su im iz Tužilaštva BiH rekli da, na osnovu njihovog dopisa, nema osnova za pokretanje bilo kakve istrage u ovom slučaju, SIPA ipak provjerava sve o navode.



Jozić: Potvrdila angažman SIPA-e

M.AŠČIĆ



Reumal: Dio ranjenika liječio se u ovoj ustanovi

Medu ranjenicima nije bilo pripadnika ISIL-a?

Prema izvorima iz Ambasade Libije u Sarajevu, oni su od SIPA-e zbog sumnji da je među ranjenicima koji su došli na liječenje u BiH i jedan od boraca koji se borio u Siriji na strani Islamske države, zatražili da provjeri i ove

navode. Iz Ambasade su, kako tvrde naši izvori, SIPA-i poslali CD na kojem se vidi osoba za koju sumnjaju da je bio pripadnik IS-a. No, iz SIPA-e kažu da nije potvrđeno da je bilo koji ranjenik boravio na ratištu u Siriji.